




# Republika e Kosovës

Republika Kosova - Republic of Kosovo  
AGJENCIA KUNDËR KORRUPSIONIT  
AGENCIJA PROTIV KORRUPCIJE  
ANTI - CORRUPTION AGENCY



DATË/A:	18.02.2022
REFERENC-Ë:	<b>AKK- DPKPP /03-03-732/2022</b>
PËR/ZA/TO:	znj. Elizabeta KAMBERI, Menaxhere e Zyrës së Prokurim, Ministria e Kulturës, Rinisë, Sportit dhe ÇJK
CC:	z. Bislim BISLIMI, U.D. Sekretar i Përgjithshëm, Ministria e Kulturës, Rinisë, Sportit dhe ÇJK
PËRMES/PREKO/THROUGH:	z. Ylli BULESHEKAJ, Drejtës i Agjencisë kundër Korruptionit
NGA/OD/FROM:	Afrim ATASHI, Drejtës i Departamentit për Parandalimin e Korruptionit
TEMA/SUBJEKAT/SUBJECT:	Opinion lidhur me Tenderin me titull: "Shërbimet e mirëmbajtjes se automjeteve-Autolarje dhe dezinfektim"

*E naderuara znj. Kamberi*

Në mbështetje të nenit 142 (par. 3) të Kushtetutës së Republikës së Kosovës, nenit 5 (par. 1, nënpar. 1.1.) dhe 21 të Ligjit nr. 03/L-159 për Agjencinë kundër Korruptionit, nenit 9 (par. 1, nënpar. 1.5.), 16 (par. 2) dhe 21 (par. 3 ) të Ligjit nr. 06/L-011 për Parandalimin e Konfliktit të Interesit në Ushtrimin e Funksionit Publik, nenit 2 par.3 dhe të nenit 10 të Rregullores nr. 01/2018 për ndryshimin dhe plotësimin e Rregullores nr. 01/2014 dhe Rregullores nr. 01/2017, së Punës së Agjencisë kundër Korruptionit, lidhur me tenderin me titull: "Shërbimet e mirëmbajtjes se automjeteve-Autolarje dhe dezinfektim" me numër të prokurimit: 207/22/764/236, dhe me nr. të brendshëm: 207/22/004/236, Agjencia kundër Korruptionit ofron këtë:

## OPINION

Me të cilin kërkohet nga ju si Autoritet kontraktues që t'i ndërmerrni të gjitha veprimet e nevojshme drejt evitimit të shkeljeve të evidentuara në lidhje me tenderin: "Shërbimet e mirëmbajtjes se automjeteve-Autolarje dhe dezinfektim" me numër të prokurimit: 207/22/764/236, dhe me nr. të brendshëm: 207/22/004/236, në mënyrë që të respektohen dispozitat përkatëse të Ligjit për prokurimin publik nr.04-L/042 i plotësuar dhe ndryshuar me Ligjin nr.04/L -237, Ligjin nr. 05/L-068 dhe Ligjin nr. 05/L-092.

### A r s y e t i m i

Agjencia kundër Korrupsionit (në tekstin e mëtejmë Agjencia), duke vepruar sipas detyrës zyrtare pas kontrollimit të njoftimeve për kontratë që ka bërë në Sistemin elektronik të Prokurimit, me datë 18 shkurt 2022, ka nxjerrë vendim me numër protokolli: *AKK-03-03-732/22*, për fillimin e procedurës për trajtimin e rastit në lidhje me aktivitetin e prokurimit publik me titull: “**Shërbimet e mirëmbajtjes se automjeteve-Autolarje dhe dezinfektim**” me numër të prokurimit: 207/22/764/236, dhe me nr. të brendshëm: 207/22/004/236, i iniciuar nga autoriteti kontraktues Ministria e Kulturës, Rinisë, Sportit dhe ÇJK.

Agjencia në bazë të dokumenteve të nxjerra nga Sistemi Elektronik i Prokurimit ka analizuar njoftimin për kontratë dhe dosjen e tenderit, ku ka konstatuar se autoriteti kontraktues, për këtë aktivitet të prokurimit ka paraparë procedurë kuotim i çmimit, kontratë publike, të llojit shërbime, me vlerë të vogël të parashikuar prej 4000.00 €.

Në kuadër të rubrikës III.2.4. Kapaciteti teknike dhe profesionale kërkesa nr.2 , Agjencia vëren se, Autoriteti kontraktues *ka kërkuar nga operatorët ekonomik pjesëmarrës të ofrojnë dëshmi ku thuhet: Vendi i kryerjes së shërbimeve, jo me larg se 4(katër) kilometra nga Ministria e Kulturës, Rinisë dhe Sportit (distanca është kilometër rrugore) për vendin e kryerjes se shërbimeve operatori ekonomik të bashkëngjisë fotografji për vendin ku do të kryhet shërbimi, ku duhet të dëshmohet se operatori ekonomik ka se paku 3 (tri) kabina (vende) për larjen e veturave.* Kërkesë kjo për të cilën konsiderojmë se bie ndesh me nenin 7 të Ligjit në fuqi për Prokurimin Publik.

Agjencia, konsideron se me formulimin e kësaj kërkeze Autoriteti kontraktues ka bërë diskriminim territorial në kundërshtim me nenin 7 paragrafët 1, 2, 3 dhe 4 të Ligjit në fuqi për Prokurimin Publik ku në paragrafin 1 në mënyrë decidive thuhet se “*Autoriteti Kontraktues do ti trajtoj operatorët ekonomik në mënyrë të barabartë dhe jo- diskriminuese dhe do të veprojë në mënyrë transparente*”.

Parografi 2 i nenit 7 parasheh: “*Autoriteti Kontraktues nuk do të ekzekutojë asnjë aspekt të aktivitetit të prokurimit në një mënyrë që redukton apo eliminon konkurrencën në mes të operatorëve ekonomik ose që diskriminon në dëm ose në të mirë te një ose më shume operatoreve ekonomik*”.

Parografi 3 i nenit 7 parasheh: “*Pa e cenuar paragrin e mësipërm, Autoritetit Kontraktues posaçërisht i ndalohet që të përcaktojë nevojat e veta që duhet të përmbushen, specifikojë lëndën që do të prokurohet, ndajë ose përbledh sasitë ose artikujt e tjerë që duhet të prokurohen, duke zgjedhur një procedurë të prokurimit, ose duke vendosur një kërkesë ose kriter të përzgjedhjes ose specifikacion teknik që në ndonjë mënyrë ka për qëllim të favorizojë ose diskriminojë kundër njërit ose më shumë operatorëve ekonomik*”.

Në paragrafin 4 të nenit 7 parashihet: "Autoriteti Kontraktues nuk do të krijojë ose imponojë dhe do të marrë të gjitha masat e nevojshme për të parandaluar krijimin ose imponimin e rrethanave ose kushteve që rezultojnë në diskriminim territorial, fizik, material, personal ose organizativ ndërmjet operatorëve ekonomik".

Me formulimin e kësaj kërkesë autoriteti kontraktues diskriminon operatorët ekonomik që janë në largësi më tepër se 4 km dhe në të njëjtën kohë mund të krijoj kushte favorizuese për operatorët ekonomik që janë brenda perimetrit prej 4 km.

Autoriteti Kontraktues në zbatim të nenit 7 të këtij Ligji, duhet të sigurojë pjesëmarrjen sa më të gjerë të mundshme të operatorëve ekonomik të interesuar. Për më tepër autoriteti kontraktues duhet të i'u jap mundësinë operatorëve ekonomik që janë jashtë perimetrit 4 km që të nënshkruajnë marrëveshje bashkëpunimi, qiramarrje me pikat e operatorëve ekonomik që ofrojnë shërbime që ndodhen në hapësirën e kërkuar.

Veprimet e Autoritetit Kontraktues, konsiderojmë se bien ndesh me nenin 7 Barazia në trajtim dhe jo-diskriminimi dhe nenin 27 Dosja e Tenderit Kapaciteti teknik/profesional të Ligjit për prokurimin publik nr. 04-L/042 i plotësuar dhe ndryshuar me Ligjin nr. 04/L -237, Ligjin nr. 05/L-068 dhe Ligjin nr. 05/L-092.

Konsiderojmë se shkeljet e tilla nuk duhet lejuar ne aktivitete të prokurimit, andaj Agjencia kundër Korrupsion rekomandon që të evitohen këto shkelje, përmes njoftimit standard për informata shtesë dhe përmirësimin e gabimeve, duke i njoftuar te gjithë operatorët ekonomik të cilët e kanë tërhequr dosjen e tenderit.

Po ashtu ju njoftojmë se lidhur me këto të gjetura do të njoftohet Komisioni Rregullativ i Prokurimit Publik – KRPP.

Autoritetet Kontraktuese e informojnë Agjencinë për veprimet e ndërmarrë.

*Me respekt !*